

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XXXI. MARTII,
M. MICHAELE DV PONT, Doctore Medico, Moderatore.

An salubris vsus Chocolate?

1119

Q VEMADMODVM in Vniuerso nihil ordine, sic in homine nihil sanitate præstantius; illo seruatur vis insita rerum omnium, hac diuini animalis vita non solum viget, sed perficitur. Tanti est ad vitam momenti sanitas, quæ absente nullius boni ratio, præsentē velut optimo Naturæ condimento (non propter se, sed ad doloris vacuitatem & actionum integritatem exopto) omnis aridet volupras. Caue ne materiæ immerfus animus negligas, ut corpori sic animæ sua esset sanitas; illa, pueris vegetior, posita in partium temperie & proportionē, hæc, ætate prouectis illustrior, licet ab eodem fonte manet, cerebri potissimum constitutionem sequitur. Mirare vtriusque conspirantem cognitionem, neutra alterius ope destituta opus suum inculpatè obit, ita tamen ut plus corpori mens infana noceat, quam menti corpus ægotum. Vtramque rectè dixeris, affectum secundum naturam actiones manifestè perficientem; donum optimum, nec tamen indiuisibile; Est exacta quæ mente, non re, statuitur; est ab ea deficiens, quæ & intemperiem ipsam non excludit, de hac ex functionum præstantia in specie, non in genere distinguenda, sit sollicitus Medicus, reperiet pulchritudinem, non fucam illam mangonum & muliercularum cuticulam, sed veram, maribus quam feminis magis conuenientem, in optima constitutione, actionibus inculpatis explorandam à sanitate perfecta non disjungi.

S ANITAS, etsi latè patens, diu vix persistit, nisi summa cura. Id fit more meliorum quæ in pejus ut plurimum ruunt. Sapientis est seruare præsentem, absentem reuocare. Hoc assequitur contrariorum per contraria curatione, quæ tum à morbi conditione, tum à viribus ægotantis, è diæta, chirurgia, pharmacia desumitur. Hoc ergo modo recta victus ratione, duceque Philosophia, (quæ ferè solâ mentis regit motus) mores probi reddantur; & corpus & animus simul persanentur paucis, probatis, & selectis. Hinc apage sexcentas Arabum, ne dicam Chymicorum, lucris, non restituentur; valetudinis cupiditate inuentas medicamentorum farragines, longè discedant tot confectioes nomine cardiace, solum alimentum cordis tonum fouet. Sed quid de sanitate præsentē qui benè valet & suæ spontis est, nullis se debet legibus obligare; sit ad laborem impiger; modo simplicibus, modo variis, quandoque conditis cibis non satietur; à pariori victu non solum perbellè habet corpus, sed optimè habet anima, mens sicco corpore fulget ut stella cælo nitido. Sic, ut cæteris non naturalibus, numquam nimis, absumpta resarciantur, excernantur superflua. Verum ut plantis quia immobilibus determinatum affixit alimentum Natura, non ita dedit animalibus perfectis, quæ utpote incendia voluit ea quærere quæ sibi conuenirent; ob idque & in natali solo, & in remotis regionibus, ea facit adollescere, quæ ad illorum incolumitatem conducant; ac licet ubique terrarum omnem beauerit, collatione tamen facta aliam beatiorem muneribus eximiis cumulauit.

V NA quæque regio ut suos morbos, sua habet commoda ex terræ, solis, & aquæ viribus; eo scilicet naturæ consilio, quo altera alteri (vnde totum pendet mercaturæ momentum) mutuas operas conferret; inde totius vniuersi princeps homo & terras & maria perlustrando, mineralia, stirpes, animalia perscrutatus est, ex quibus alimenta modò, modò medicamenta sumeret. Sic apud Indos Occidentales, mira sagacitate confecit Chocolatam, antiquis, penuriâ meliorum, sua decantantibus inauditam, nobis Hispanorum commercio nunc familiarem; Errant qui eam damnant ut variam, ut è longinquo aduenientem; aliàs qui præscribatur purgatio (quæ cum erethismo, tum attractione peragitur) si sensæ, rheo, & cæteris ab æque distantibus plagis ad nos deuectis locus non detur; varia est more præstantiorum, quibus omnes quo faciant sua aut addere aut detrachere consueuerunt; an quod eodem collyrio omnibus non sit medendum? sed quæ omnium maximè arridet formula talis esto; Centenis Cacao, vnde nomen Chocolate, misceantur anisi manipulus semis, cinnamomi drachmæ quatuor, sacchari libra semis, achiotæ quantum satis ad tincturam. Hæc omnia prius igne, præter achiotam, semper agitando desiccata contundantur in mortario separatim, postmodum misceantur; exindeque pasta confecta iterum versetur, & igne supposito singatur in tabellas, quæ vsus tempore ad tres aut quatuor uncias ad summum tendantur, in aqua calida cum saccharo diluantur, & mane præsertim ante cibum ebibantur. Sic dum displicent multorum, quæ sæpe deficiunt quia rariora & cariorea, miscibilium apparatus, cito præsidium confeceris tutum & iucundum.

C HOCOLATA qui vti voluerit, eius partium & totius facultates in omni remedio cognitu apprimè necessarias prius expendat, quid inde? nihil infensum, amica omnia; anisum flatus discutit, calorem natium sulcat, obstructions soluit, capiti, renibus, vtero famulatur. Cinnamomum licet tenuium maximè partium, tertium caloris non superat ordinem, sed potenter exsiccat, grati est odoris, ideo Cerebro maximè familiare. In Cacao velut in musto, cichorio & aliis pars altera terrea, aërea altera continetur. Prima, ut exuperans, si non alterarum solumque sumatur cacao, summe refrigerat & obstruit, hæc butyrofa paululum calefacit. Nihil cura de saccharo aut achiotæ, cum illud quia dulce, & ideo calidum ad blandiendum, hæc ad colorem conciliandum commendetur. His itaque omnibus simul permixtis, ignis & tritura beneficio mutua quædam oritur pugna, quæ, deposita tandem contrarietate, compositum quoddam exurgit temperatum, non laudandum ad instar imperitæ multitudinis ad noua omnia pruriginis auidæ, sua vapore communia negligentis, ut rara quærentis aliena, ideoque Morycho tultioris.

N IHI est quod per se cum semper bonum sit, abusu sæpe pessimum non fiat: ipsa quæ nos venena dicimus, forent summa præsidia si nosceremus. Tum alimentum, tum medicamentum ad aliud quid peculiare referuntur, hinc non hominem, sed Socratem curat Medicina, in quâ qui peritus est, occasionem, inestimabile temporis momentum, animam curationis adeo solerter caprat, ut quæ ipse præscribit, Deorum sint manus, ab aliis tanquam deleteria, aliàs exhibita. Vnde est, ut qui voluerit Chocolatam feliciter exhibere, cum ipsam prius habuerit exploratam, tum apprimè dignoscatur fumentis temperiem, consuetudinem, regionem. Eâ methodo cum sciat temperata gaudere similibus, intemperata contrariis, ita his erit auxilio dum miscibilia commutet; augeatur Cacao, cætera minuantur, sic medeatur biliosis, vice versa hæc superent, illud deficiat, pituitosi, melancholici iuuentur. At temperatis legitima quantitate (ubi maxima medicamentorum remora, & vnde potissimum Medicina conjecturalis) nostra temperata decernatur Chocolate, in qua calor cum semper exuperet, tempestas nimium feruida vitetur, derur tamen aliquid consuetudini, partium seruat temperiem, calorem natium & robur viscerum sua caliditate & siccitate moderata excitat, firmat, coctionem iuuat, obstructions soluit, alimenti distributionem, inutilium excretionem promo- uet, adipem cumulat; non est inimica Cerebro, est amica veneri, animæ & corpori opportunissima.

Ergo salubris vsus Chocolate.



Proponebat Lutetiæ CAROLVS BRISSET, Druida, A. R. S. H. M. DC. LXI.

559